

此五十詩老坡所謂淘鍊銀耶古如洞庭樂其
思幽律如嶰谷箛其和宣絕如喬木嚶其音活
非今調名曲耶性之云擊壤曲也扣角曲也一
性情也蓄為心曲發為歌曲，而不屈曲之真
曲能有成曲之神二難言真在人何惡乎曲云
曰曲義則美皂琴公里請奏曲終雅而易名以
大声性之不應淳佑辛亥臘小山蕭泰來書

竹莊小葉

宮怨

淚粉羞臨寶鑑前
淡粧事似旧婵娟
一言曾忤君王意
閉在長門十五年

寄竹院方丈字師

江湖歲月易消磨
振錫歸來鬢欲皤
性懶吟編多散逸
門閒俗客少經過
虛檐破處懸蛛網
落葉空中見鳥窠
一片師心誰會得
半窓竹影綠婆娑

清源胡

仲參

希道

郊行暮歸

吟罷歸來興欲狂，重城半掩傍昏黃。
鐘聲遙動山靈答，月魄未高人影長。
竹葉淺斟杯量窄，梅花滿插帽簷香。
不妨竟日酬心賞，總到明朝事又忙。

偶得

欲問梅花信，山寒去未能。
靜思天外句，坐對夜深燈。
戒酒頻添袖，煎茶旋鑿冰。
月殘霜又落，無復叩門僧。

醜婦吟

君不見漢殿丹青未漫滅，馬上琵琶向誰說。
又君不見華清舞破霓裳衣，凌波竟隨嵬山血。
從來艷色多累身，妾貌雖醜心自悅。
幽閨到老無人知，白髮如絲鏡如鐵。

晚雨

勃姑鷓鴣叫樓西，春色陰晴景不齊。
濃墨四垂收未起，明邊一片夕陽低。

端午

千年流水去滔滔，此日人來弔汨羅。
江上畫船無買處，閉門風雨讀離騷。

山中作

村居便野性，况復是清秋。為愛山間好，因成白
日留。林深喧鳥雀，露重滴松楸。昨夜新寒入，篝
燈覆敝裘。

入京第一程

六載館杭州，重來訪旧遊。山中逸過雨，客裏又
驚秋。嵐氣蒸衣濕，泉聲激石流。功名苦行役，羞
見渡驚鷗。

道中早發

未曉催行色，微吟獨據鞍。露垂星影濕，月淡水
光寒。犬吠知村近，雞鳴覺夜殘。親闈在何許，誰
念客衣單。

秋晚汎湖

載酒湖邊買小舟，水光山色解人愁。短籬寂
菊花晚，兩岸蕭蕭揚柳秋。落日波間收戲鼓，暮
烟林外出歌樓。倚闌長嘯西風裏，驚起前汀雙
白鷗。

試後書懷

踏遍天涯路，春三秋又三。文章与时背，言語對
人慙。湖海氣何餒，山林分未甘。閑僧時過我，揮

塵共立談。

夜坐獨成

一字吟難穩，沉沉夜向闌。
燈明妨短夢，衣薄犯新寒。
千里家山遠，三年客路難。
明朝有佳使，尺帟報平安。

送諸葛春卿還里

扁舟分袂出湖濱，我向吳中君向閩。
自嘆吟身猶是客，却來遠道送行人。
家山會友憑傳語，旅舍逢詩為拂塵。
天北天南相憶處，梅花毋惜一枝春。

得家書

手剝鱗緘細，看北堂。岳白喜平安，為憐客裏多霜雪。寄得衣來正及寒。

雪晴汎湖

雪後湖清淺，令人心眼開。
林疎知寺近，冰合礙舟回。
寒色欺吟髻，斜陽入酒杯。
山行已清絕，况復是尋梅。

春晚見山茶花一枝獨開

荼蘼開盡見山茶，血色嬌春帶雨斜。
莫是今年逢閏月，東風吹到背時花。

山中口占三首

四野平田春水肥，前山隱隱帶殘暉。
千林晚色無人共，時有樵翁獨自歸。
躑躅花開野色濃，和風和雨卧叢中。
只買零枝看那似，山頭滿樹紅。
飯罷呼僮旋煮茶，碁枰詩卷小生涯。
從今厭踏紅塵路，多在山間少在家。

夜坐即事

午夜空庭寐，心閑坐亦忘。
竹間風動靜，雲裏月行藏。
鶯鶯出幽樹，寒鶯語廢廊。
甌茶聊當酒，清氣入詩腸。

題墨梅竹

洗盡丹青料，清高絕點埃。
數竿無韻竹，一樹不香梅。
與可今已矣，補之安在哉。
千年好風致，喚上筆頭來。

聽雨

聽盡三燈前，細雨聲，總是別離情。
何時斷得閑煩惱，一任芭蕉滴到明。

夜坐與伯民葦航對床閱江湖詩偶成一首

對床因話弟兄情，話到山林世念輕。
几上江湖詩一卷，窓前灯火夜三更。
茶甌未展神先爽，香片纔燒味轉清。
吟罷忽聞譙角動，石橋霜曉有人行。

薄暮

薄暮抱幽獨，無言倚小樓。
日沉千樹晚，風起一天秋。
警枕團新夢，寒衣帶旧愁。
祇因吟太苦，餘病未全瘳。

山行

石磴手難攀，林溪去復還。
人行啼鳥外，僧住白雲間。
野興平秋水，吟魂繞暮山。
馬頭風作惡，潘鬢任闌珊。

月夜聽琴效漁父辭

風入古松成節奏，泉奔幽磴響琮琤。
琴中彈意不彈聲，猛拂朱纒燈焰落。
細敲玉版夢魂清，啼鳥枝上月三更。

寒中偶題

酒對紅爐煖，香凝繡被溫。
老天有私意，寒不到朱門。

枕上詩句寄潛君升

無奈蓬窗雪打聲，夢規終穩又還驚。
枕衾如許猶嫌冷，多少間間睡不成。

留宿陳氏書齋

因訪吟朋到竹居，春寒策策動窓虛。
幾番好雨偏留客，一盞青燈共讀書。
徐孺舊曾親下榻，陳遵見說好投車。
與君靜夜評心事，萬斛閑愁盡掃除。

游白石山觀音寺

綠陰深處石橋橫，終入山門意便清。
林下一僧無箇事，時來倚樹聽泉聲。

與生上人

久住涑山裏，相忘物外形。
逢人出好語，入定掩殘經。
古字碑成軸，名詩榜作屏。
欲知祖師意，柏樹在中庭。
生公以在軍帖軸之几間復以李涉游霍林寺詩為屏故云

雨中

愁坐黃昏掩客扉，風翻霜葉滿庭飛。
孤燈挑到寒更盡，猶有行人帶雨歸。

讀岳鄂王行實

飛鵲來何意，英雄此日生。
山河張膽氣，宇宙載風聲。
一片堂中紙，千年身後名。
至今墳上木，猶

作不平鳴

和林梅臞西涼瀑布圖韻

瀑駛驚風雨色懸峭壁前臨沅清客耳入夜攪
幽眠旁是龍為廟高疑山有仙一塵飛不到長
似九秋天

喜郭希范自上庠歸

馬蹄明日是君家千里歸來傍節華幾夜添閨
寒寐、有人和泪卜燈花

用伯氏韻東梅臞

檝拙爐前坐夜添寒侵窓戶月西沉冥搜天地

無窮趣寫盡江湖一片心霜葉落邊添客思梅
花瘦處動高吟訪君欲問推敲訣擬把清樽共
細斟

東竹院字老

別來白日許又過一分春因感塵中事空轉物
外人吟清便境靜語共見情真近况知何似篇
詩得細論

送梅臞還三山

十年湖海上此日值梅兄一見終傾蓋相逢又
同程新編聯盡卷清話入詩評送此雲山別因

風時寄聲

題雪舟雲心二友吟卷

君詩何所似，絕似晚唐詩。寫出春雲狀，融成白雪詞。百篇多態度，二妙一襟期。與我為三友，他年題品誰。時二公約刊三友集

清明

杯酒濃澆，攏上春東風。吹起紙灰塵，可堪腸斷。中原路草，掩荒丘不見人。

寄黃雲心

斗屋少行跡，閉門春盡長。天時半晴濕，人意共

炎涼。苔蘚侵階綠，荼蘼壓架香。冥搜尋杖屨，不為看花忙。

采桑女

葉滿筐，霜花滿簪。低頭微笑，采陰後來芳。有秋胡子說，與黃金必動心。

過永春縣

距城總百里，世路便難平。碣石唐人墓，桃源晉地名。危巖依嶽勢，荒市帶溪聲。往日羅兵火，顏垣蔓草生。

圩田

竹田依澗水入夏未栽禾不是春耕晚山中寒氣多

閨中詞

寫就相思字燈前帶泪看欲絨還未忍少待泪痕乾

聽盡芭蕉雨愁人夜不眠憑誰將此意為妾到卽邊

早發

早發六七里前途曙未分漁舟依岸立水碓隔溪聞獨樹支殘月空山半白雲清晨那可駐日

出又如熱

無題

露重濕征衣風急翻紗帽山下灌園人倚鋤看馬過

過界首

幾重嶺隔幾重灣路入濛濛烟雨間獨立溪橋重回首前頭已是劍州山

思家

夜夢到山居回頭千里餘屢傳歸去信不得寄來書小徑應添笋荒畦欠理蔬客程頻得雨田

里事何如

漢梁嶺禹廟

古今陳迹幾興亡
閩嶺何回祀夏王
莫是當年平水日
曾驅魚鯨渡漁梁

陵上釣臺後

身為功名役
因思隱者賢
只行山後路
羞過釣臺前

西湖會上和趙清軒韻

不著人間半點愁
每於勝處一凭樓
吟邊只欠林和靖
坐上追思馬少游
暈臉笑渠酣薄暮
低

眉楊柳拂新秋
酒闌拍掌狂歌舞
自是忘機可

狎鷗

秋意

梧葉飄殘客夢驚
擁衾危坐到天明
片心除是眉頭識
萬感都從拾脚生
江上鱸肥銷旅况
樓前雁過帶邊聲
桃燈無語閑商略
謀國謀家底計成

還趙清軒吟卷

借得君詩在案頭
篝燈夜夜看銀鈎
苦吟暗數秋更盡
何處笛聲人倚樓

重陽

漫浪江湖已十霜，一秋強半又重陽。
可憐白日渾閑度，偶對黃花覺自傷。
客舍題詩書感遇，市樓沽酒慰淒涼。
登高不為酬心賞，直欲凭闌望故鄉。

夜來聞曾性之立君就二友隔樓吟聲不絕以詩柬之

月下歸來深閉門，衾寒時借博山溫。
隔樓忽聽吟聲苦，引得清愁入夢魂。

問性之病

莫向推敲苦用心，聞君病裏亦沉吟。
書燈挑盡無人共，藥鼎煎殘到夜深。
霜後菊花方竅，臘前梅事又駸。
相看咫尺如千里，幾度逢人問信音。

過十頃寺訪谷隱老

別久交情淡，重來似舊時。
人生零眼散，世事月盈虧。
茶具擁行酒，禪牀借看詩。
漫天多雪意，預約探梅期。

性之尋梅歸來有詩因感一絕

處士廬前門徑深，僅留佳句與人吟。
孤山近日

無行路疎影暗香何處尋

枕上偶成

客棧蕭索抱愁眠雁過聲不到枕邊念脚動如
魚撥刺吟身寒似鷺恥奉匣中孝有劉琨劍囊
裏猶餘壯老錢忽憶西山、下路夜深霜露滴
招阡

夾河中有矮道人自位小舟持咒為生
人莫不異之者

道人神貌古雙鬢欲垂肩坐席容三尺浮家住
一船養生憑佛果持鉢信人緣早泊橋杲下蓬

頭起白煙

寄嬾菴

天寒日短道路長白雲飛處知吾鄉大江之東
渭之北念我故人何可忘別來楊柳春依依只
今開到梅花香扁舟漫浪歸未得京塵海裏安
行歲自名未立仰文咲林頭夜、鳴干將晉義
師物外無寵辱庭前柏樹常蒼、吁嗟念羽飛
不到二千里外空相望五雲前墜滿室光報師
之意無以將篇詩濃墨終淋漓一聲鳴過天南
翔

偶得

挑燈伴寒夜兀坐竹鑪邊
赤腳知冷苦時將山茗煎

和性之見寄韻

寔燭銷殘轉寂寥柴門無復野僧敲
偶來枕上吟詩就記向心頭
欠筆抄鳴竹數聲疑雪片尋梅清夢到山坳
世情雪雨多翻覆誰是江湖耐久交

游山中

世途平處起波瀾
輪与高僧占好山
竹塵直為

揮俗具種籬虛設掩塵闥
林泉有分酬清供
執錫無人伴此間
擺脫名韁須早計
半生猶得住雪間

寒夜作

生計尚茫茫微吟思故鄉
羈愁消不盡寒夜未為長
門掩梅花月禽翻竹葉霜
挑燈裁錦字明發有歸航

讀秦記

万雉雲邊万馬屯
梁來直欲障胡塵
誰知斬木為干者只是長城裏面人

雪

凝雪高作雪頂刺滿天涯片、踈還密霏、整
復斜映窻疑月影着地似揚花四望渾同色微
茫認點鴉

用馮深居韻題蒲陽章氏環翠樓

百尺危梯渺海寰闌干十二畫青山烟光濃淡
歲多景野水周遭匝四環勝地只宜騷客住老
天未放主人閒憑誰說与九仙道方文移素在
此間

書懷呈曾性之

覽鏡歎頭顱梅花一樣矍病因吟後有愁到醉
邊無心事歸梁燕年華過隙駒世途難着脚况
復是江湖

和伯氏春雨中韻

癡寒脉、壓晴莎春漸三分景未和待得濃陰
收拾後花邊春色已無多
兩隄楊柳拂新亭恠底遊人懶踏青手撚梨花
成小立半窻湖水兩冥、

寄梅矍

別去忽經旬春風閱二分幾番吟對雨獨自暗

思君客裏加頻病，愁邊駭近聞。
倚闌商不得，心目亂於雲。

和伯氏色山觀桃花韻

因訪桃花到嶺根，御林春色此平分。
千株未數栽唐觀，一幅猶堪畫晉源。
仙在雲間無處覓，人行風外有香聞。
笙簫隱隱宮城隔，立盡黃昏更斷魂。

竹莊小集終